

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2022/50, 07.04.2022թ.

**Բողոք բերող անձ՝** «Մեդէքսպերտ» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը՝** «ՀՀ ՊՆ-ԳՀԱՊՁԲ-22-9/30»

**Գնման առարկան՝** բժշկական պարագաների ձեռքբերում

**Բողոքի պահանջը՝** պարտավորեցնել «ՀՀ ՊՆ-ԳՀԱՊՁԲ-22-9/30» ծածկագրերով գնման ընթացակարգի գնահատող հանձնաժողովին չկայացած հայտարարել ընթացակարգը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն

օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին  
Հասցե ք. Երևան Մելիք Աղամյան 1  
«Մեդէքսպերտ» ՍՊԸ տնօրեն և Հակոբյանից  
Հասցե Լոր Խարբերդ, 1փ . 1 նրբ . տ 31, հեռ 077002100  
e-mail medexpert077@gmail.com

Պատվիրատու «ՀՀ պաշտպանության նախարարություն»  
Հասցե՝ ք. Երևան, Բազրևանդի 5

Գնանշման հարցման ընթացակարգի  
ծածկագիր <<ՀՀ ՊՆ-ԳՀԱՊՁԲ-22-9/30>>  
Գնման առարկա՝ <<բժշկական պարագաներ>>

## Բ Ո Ղ Ո Ք

### 1. Վեճի առարկան

«ՀՀ պաշտպանության նախարարություն»-ը բժշկական պարագաների գնման նպատակով հրապարակել է <<ՀՀ ՊՆ-ԳՀԱՊՁԲ-22-9/30>> ծածկագրով գնանշման հարցման ընթացակարգ:

<<Ճանաթություն>> բաժնում Պատվիրատուի կողմից մասնավորապես դրվել են հետևյալ պահանջները

<<1.3 Պիտանելիության ժամկետ ունեցող ապրանքների դեպքում դրանք հանձնման պահին պետք է ունենան ընդհանուր պիտանելիության ժամկետի ամսվազն 1/2-ը:

2. Պայմանագրի կատարման փուլում մատակարարը ապրանքի մատակարարված խմբաքանակի հետ պետք է ներկայացնի.

2.1 խմբաքանակն ուղեկցող որակը հավաստող փաստաթուղթ՝ փորձարկման արձանագրություն (կամ հավաստագիր) կամ որակի հավաստագիր (կամ անձնագիր) կամ խմբաքանակի հավաստագիր կամ տվյալ խմբաքանակի որակը հավաստող այլ փաստաթուղթ՝ տրված համապատասխան իրավասու մարմնի կողմից:

2.4 մատակարարված ապրանքի մակնշման մեջ կամ ուղեկցող փաստաթղթերում ամկա տեղեկատվության հիման վրա «1.3» կետի համապատասխանությունը որոշելու անհնարինության դեպքում մատակարարված ապրանքների «1.3» կետին համապատասխանությունը հավաստող փաստաթուղթ՝ տրված արտադրողի կամ նրա պաշտոնական ներկայացուցչի կողմից:>>:

ա. Վերոնշյալ պահանջներից 2 1 կետում նշված պահանջը խոչընդոտում է մրցակցությանը, քանի որ ընթացակարգին կարող է մասնակցել միայն արտադրող ընկերության պաշտոնական ներկայացուցիչը, իսկ վերավաճառող ընկերություններից ձեռք բերված ապրանք մատակարարող ընկերությունները զրկվում են այդ իրավունքից, քանի որ պատվիրատուի պահանջած խմբաքանակի վերաբերյալ փաստաթղթերը հասանելի են միայն արտադրողի պաշտոնական ներկայացուցչին:

բ Վերոնշյալ պահանջներից 2.4 կետում նշված պահանջը խտրական է, քանի որ արտադրողի ներկայացուցիչը առավելություն է ստանում վերավաճառող ընկերությունից ապրանք ձեռք բերած ընկերության նկատմամբ, մասնավորապես պատվիրատուն պահանջում է, որ ապրանքի պիտանիության ժամկետի վերաբերյալ փաստաթուղթը տրված լինի հենց արտադրողի կամ նրա պաշտոնական ներկայացուցչի կողմից, այսինքն վերավաճառող ընկերությունից ձեռք բերված ապրանքը, որն օրինակ ունի ընդհուպ 2024, 2025 կամ 2025թ՝ պիտանիության ժամկետ, անընդունելի է պատվիրատուի համար:

գ 2022թ ապրիլի 3-ին հարցում է ուղարկվել պատվիրատուին, որին ի պատասխան ապրիլի 5-ին ստացվել են հետևյալ պարզաբանումները:

<<1. Հարցման 1-ին կետի առնչությամբ հայտնում եմ, որ սույն ընթացակարգի հրավերով մատակարարվող ապրանքների վրա արագ արձագանքման կոդի (QR կոդ) պարտադիր առկայության վերաբերյալ պահանջ սահմանված չէ:

2-րդ կետի առնչությամբ հայտնում եմ, որ իրավասու մարմին է համարվում այն մարմինը, որը օժտված է տվյալ փաստաթուղթը կազմելու և տրամադրելու իրավունքով: Օրինակ՝ փորձարկման արձանագրություն իրավասու է տրամադրել համապատասխան փորձաքննություն իրականացնող մարմինը, իսկ համապատասխանության հավաստագիր իրավասու է տրամադրել հավաստագրող մարմինը: Վերավաճառք իրականացնող կազմակերպությունը կարող է դիտարկվել որպես իրավասու մարմին, եթե այն Հայաստանի Հանրապետության օրենսդրությանը համապատասխան՝ արտադրողի կողմից ստացել է իր անունից գործելու և սահմանված պարտավորությունների շրջանակներում խնդիրները լուծելու գրավոր թույլտվություն և գործում է ստացված իրավասությունների շրջանակներում:

3-րդ կետի առնչությամբ հայտնում եմ, որ 2.1 կետում նշված «կամ տվյալ խմբաքանակի որակը հավաստող այլ փաստաթուղթ՝ տրված համապատասխան իրավասու մարմնի կողմից» պահանջում «այլ փաստաթուղթը» նշանակում է, որ հանձնման պահին կարող է ներկայացվել «Հրավերի» 2.1 կետում թվարկված փաստաթղթերի փոխարեն ցանկացած այլ փաստաթուղթ, որը կհավաստի մատակարարված ապրանքի խմբաքանակի որակը և տրված կլինի իրավասու մարմնի կողմից: Արտադրողի կողմից տրված հայտարարագիրը կարող է համարվել այդպիսի փաստաթուղթ եթե վերաբերելի լինի մատակարարված խմբաքանակին:

4-րդ կետի առնչությամբ հայտնում եմ, որ նախկինում իրականացված գնման ընթացակարգերի շրջանակներում բացառությամբ ՀՀ-ում գործող արտադրողների կողմից տրամադրված փաստաթղթերի, ինչպես նաև չգրանցված դեղերի վերաբերյալ ՀՀ ԱՆ ՀՀ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» ՓԲ ընկերության կողմից տրված տեղեկանքների և ՀՀ ԱՆ-ի հրամանով հաստատված ախտահանիչ նյութերի օգտագործման ձեռնարկների, ՀՀ-ում գործող որևէ մարմնի կողմից տրամադրված այլ փաստաթուղթ մատակարարների կողմից չի ներկայացվել, ուստի իրավասությունների գնահատման կարիք չի առաջացել և այդ մարմինների վերաբերյալ տվյալների ՀՀ պաշտպանության նախարարությունը չի տիրապետում:

4.1 կետի առնչությամբ հայտնում եմ, որ եթե ՀՀ-ում համապատասխանության գնահատման ծառայություններ մատուցող մարմինը իրավասու է տրամադրել խմբաքանակի որակը հավաստող փաստաթուղթ, ապա այդ փաստաթուղթն ընդունելի է:

5-րդ կետի առնչությամբ հայտնում եմ, որ ընդունող հանձնաժողովի կողմից՝ փաստաթղթերը տրամադրած մարմնի կողմից ներկայացված փաստաթուղթը տրամադրելու իրավասությունները, գնահատվելու են գործող իրավական ակտերի հիման վրա:>>:

դ Չափաբաժիններ 1-ից 14-ի տեխնիկական բնութագրերում առկա է անիրագործելի պահանջ, մասնավորապես <<Ստերիլ գործարանային փաթեթավորումով>> պահանջը:

ե 18, 40, 41, 42, 43, 44; 45, 46, 47, 48, 49, 50, 51, 52, 53, 54, 55, 56, 57, 58, 59 չափաբաժինների տեխնիկական բնութագրերին համապատասխանում է մեկ արտադրող:

զ Դրավերի տեքստը ռուսերեն լեզվով հրապարակված չէ:

## **2. Բողոքի փաստացի և իրավական հիմքերը**

ա. 2.1 կետում նշված պահանջը խոչընդոտում է մրցակցությանը, քանի որ ընթացակարգին կարող է մասնակցել միայն արտադրող ընկերության պաշտոնական ներկայացուցիչը, իսկ վերավաճառող ընկերություններից ձեռք բերված ապրանք մատակարարող ընկերությունները

գրկվում են այդ իրավունքից, քանի որ պատվիրատուի պահանջած խմբաքանակի վերաբերյալ փաստաթղթերը հասանելի են միայն արտադրողի պաշտոնական ներկայացուցչին, ուստի խախտվում են «Գնումների մասին» ՀՀ օրենքի Հոդված 13-ի 2 կետի 2 ենթակետի պահանջները

«2. Գնման առարկայի բնութագրերը՝ ... 2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.»:

Պատվիրատուն այս պահանջը դրել է մեկ նպատակով: Պատվիրատուն ցանկանում է ստեղծել փակ շղթա, որտեղ անհնար կլինի մուտք գործել վերավաճառող ընկերությունների ապրանքով: Անշուշտ պատվիրատուն բերելու է մի շարք պատճառաբանություններ, ցույց է տալու իր «մտահոգությունը» մատակարարված ապրանքի վերաբերյալ և ձգտելու է ամեն կերպ ցույց տալ, որ հենց տվյալ խմբաքանակի համար տրված փաստաթղթերն են հանդիսանում որակի միակ երաշխիքը, հենց այդ փաստաթուղթը եղավ, ուրեմն որակի և անվտանգության հարցը փակված է: Իրականում, ինչպես արդեն նշեցինք, պատվիրատուն ձգտում է այնպես անել, որ առանց արտադրողի կամ նրա պաշտոնական ներկայացուցչի իմացության և թույլտվության ապրանք չներմուծվի Հայաստան: Այստեղ հարց է ծագում, թե ինչը կարող է խանգարել վերավաճառող ընկերությանը ձեռք բերել պատվիրատուի պահանջած խմբաքանակի փաստաթղթերը արտադրողից: Պատասխանը հետևյալն է: Միջազգային ճանաչում ունեցող արտադրողները աշխատում են դիստրիբյուտորական ցանցով, այսինքն ամեն երկրում կամ տարածաշրջանում նշանակում են դիստրիբյուտորներ՝ պաշտոնական ներկայացուցիչներ: Օրինակ եթե ՀՀ-ում գտնվող որևէ առևտրային ընկերություն որոշի նամակ գրել գործարանին՝ ցանկանալով ձեռք բերել ապրանք, ապա գործարանը նամակը վերահասցեավորում է տվյալ երկրում նշանակված դիստրիբյուտորին: Եթե ՀՀ-ում գտնվող առևտրային ընկերությունը նամակ գրի այլ երկրի դիստրիբյուտորին, ապա վերջինս չի վաճառի ապրանք ՀՀ-ում գտնվող ընկերությանը, քանի որ արտադրողի քաղաքականությունն այնպիսին է, որ դիստրիբյուտորները պետք է մուտք չգործեն այլ երկրների դիստրիբյուտորների շուկա: Այլ կերպ ասած, շուկան բաժանված է տարածաշրջանների և ամեն դիստրիբյուտոր գործում է իրեն կցված երկրում կամ տարածաշրջանում: Երբ ՀՀ-ում գտնվող առևտրային ընկերությունը ցանկանա ձեռք բերել պատվիրատուի պահանջած խմբաքանակի փաստաթուղթը, ապա ստիպված է նամակ գրել արտադրողին, քանի որ այդ փաստաթուղթը կարող է տալ միայն արտադրողը, որն էլ բնականաբար չի տրամադրի այդ փաստաթուղթը, քանի որ տվյալ երկրում արդեն ունի դիստրիբյուտոր և գործող դիստրիբյուտորի տնտեսական շահերին վնասող քայլ չի կատարի: Ստացվում է մի իրավիճակ, երբ ՀՀ-ում գտնվող առևտրային ընկերությունը եթե նույնիսկ զգալիորեն մատչելի գնով ապրանք ձեռք բերի վերավաճառող ընկերությունից և փորձի մատակարարել պաշտպանության նախարարությանը, ապա վերջինս չի ընդունելու ապրանքը, քանի որ այնպիսի փաստաթուղթ է պահանջում, որը գտնվում է միայն արտադրողի մոտ: Տվյալ իրավիճակից օգտվում է արտադրողի պաշտոնական ներկայացուցիչը, քանի որ առանց որևէ մրցակցի, բնականաբար ուռճացված գնով ապրանք է վաճառում պատվիրատուին: Այսինքն պատվիրատուն նախընտրում է ուռճացված գնով ապրանք ձեռք բերել պաշտոնական ներկայացուցչից, քան զգալիորեն մատչելի գնով այլ ընկերությունից, որը **նույն արտադրողի նույն ապրանքը** ձեռք է բերել վերավաճառողից: Պատվիրատուի այսպիսի պահանջների դեպքում բացառվում է մրցակցությունը, քանի որ արդեն հենց սկզբից նախապատվությունը տրվում է գործարանի պաշտոնական ներկայացուցչին:

բ Մեր ընկերությունը դիցուք հնարավորություն ունի մատակարարել սույն ընթացակարգի թիվ 18 չափաբաժնում նշված ապրանքը, սակայն պատվիրատուի կողմից սահմանվել է այնպիսի պահանջ, որ բացի արտադրողի պաշտոնական ներկայացուցչից հանդիսացող ընկերությունից, որևէ այլ ընկերություն չի կարող մատակարարել այդ ապրանքը, մասնավորապես այդ չափաբաժնում նշված ապրանքի առանձնահատկությունը կայանում է նրանում, որ թե գործարանային սովարաթղթե տուկի, թե ստերիլ անհատական փաթեթավորման վրա **առկա է միայն պիտանկության ժամկետի ավարտը**, այսինքն ապրանքի **արտադրության ժամկետը չի մակնշված**, ընդ որում գործարանային սովարաթղթե տուկում գտնվող ձեռնարկում ևս բացակայում են տվյալներ այդ խմբաքանակի պիտանկության ժամկետների վերաբերյալ: Նման իրավիճակի համար պատվիրատուն ունի «<լուծում>», որը շարադրված է Ծանոթություն բաժնի 2 3 կետում

«2.3 Մատակարարված ապրանքի մակնշման մեջ կամ ուղեկցող փաստաթղթերում առկա տեղեկատվության հիման վրա «1.3» կետի համապատասխանությունը որոշելու անհնարինության դեպքում՝ մատակարարված ապրանքների «1.3» կետին համապատասխանությունը հավաստող փաստաթուղթ՝ տրված արտադրողի կամ նրա պաշտոնական ներկայացուցչի կողմից:»:



Փաստացի կոնկրետ այս դեպքում պատվիրատուն որպես լծակ է կիրառում այս պահանջը, որպեսզի պոտենցիալ մատակարարներին ուղղորդի դեպի արտադրող կամ նրա ներկայացուցիչ, որը տվյալ ընթացակարգով հայտ ներկայացնող ընկերությունն է լինելու, այսինքն մեր մրցակիցը և հետևաբար տնտեսական շահերի բախմամբ պայմանավորված որևէ տեղեկություն բնականաբար չի տրամադրի Նման իրավիճակից ելք գտնելու փոխարեն, օրինակ կոնկրետ այդպիսի չափաբաժինների համար պիտանիության ժամկետի վերաբերյալ այլ ընդունելի պահանջ սահմանելու փոխարեն, պատվիրատուն շարունակում է սույն գործելաոճը, անհնար դարձնելով որևէ այլ ընկերության մասնակցությունը, մինչդեռ ինչպես արդեն նշել ենք վերևում, մեր ընկերությունը հնարավորություն ունի մատակարարել ընդհուպ 2024, 2025 և 2026թ. պիտանիության ժամկետով ապրանք, սակայն առկա խտրական պահանջների պատճառով չի կարող դա անել:

գ. Ուղարկված հարցմանն ի պատասխան ՊՆ կողմից տրված պարզաբանման մեջ անորոշ է, թե կոնկրետ որ իրավական ակտերի հիման վրա է ընդունող հանձնաժողովը գնահատելու <<փաստաթղթերը տրամադրած մարմնի կողմից ներկայացված փաստաթուղթը տրամադրելու իրավասությունները>>, այսինքն պոտենցիալ մատակարարների համար անհայտ է, թե կոնկրետ որ նորմատիվ իրավական ակտերով է շարժվելու ընդունող հանձնաժողովը: Սա կարևոր հանգամանք է, քանի որ ՊՆ ընդունող հանձնաժողովի անդամները կարող են յուրովի կամայական մեկնաբանություն տալ ինչ-որ նորմատիվ իրավական ակտի՝ պատճառաբանելով որ օրինակ այդ լաբորատորիան կամ հավաստագրող մարմինը իրավունք չունեն տրամադրելու այդ փաստաթուղթը, օրինակ մատակարարի ներկայացրած <<խմբաքանակի որակը հավաստող>> փաստաթուղթը տրամադրող մարմնի իրավասությունները անհիմն կերպով կասկածի տակ առնեն:

դ. Չափաբաժիններ 1-ից 14-ի տեխնիկական բնութագրերում առկա է անիրագործելի պահանջ, մասնավորապես <<Ստերիլ գործարանային փաթեթավորումով>> պահանջը: Որևէ մատակարար չի կարող մատակարարել այդ տեխնիկական բնութագրին համապատասխանող ապրանք:

ե. 18, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59 չափաբաժինների տեխնիկական բնութագրերին բավարարում է միայն մեկ արտադրող, ինչը հակասում է ՀՀ Կառավարության 04 մայիսի 2017թ. թիվ 526-Ն որոշմամբ հաստատված Կարգի 22-րդ կետով սահմանված պահանջին

<<22. Չման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:>>:

զ. <<Սույն հրավերը կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի (այսուհետ՝ Օրենք), ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ), ՀՀ կառավարության 2017 թվականի ապրիլի 6-ի N 386-Ն որոշմամբ հաստատված «Էլեկտրոնային ձևով գնումների կատարման» կարգի և այլ իրավական ակտերի պահանջներին համապատասխան և նպատակ ունի ՀՀ պաշտպանության նախարարության (այսուհետ՝ պատվիրատու) կողմից հայտարարված ընթացակարգին մասնակցելու մտադրություն ունեցող անձանց (այսուհետ՝ մասնակից) տեղեկացնելու ընթացակարգի պայմանների՝ գնման առարկայի, ընթացակարգի անցկացման, ընտրված մասնակցին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս: Հայտեր կարող են ներկայացնել համակարգում գրանցված բոլոր անձիք, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից:>> մեջբերման ավարտ:

Համաձայն 10 հոկտեմբերի 2019 թվականի N 1422-Ն ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՄԱՅԻՍԻ 4-Ի N 526-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՆՈՅԵՄԲԵՐԻ 16-Ի N 1454-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ 11 կետի՝ 34 կետի 1 և 2 ենթակետերը շարադրել հետևյալ խմբագրությամբ՝

<<1) գնումների մասին հայտարարության և հրավերի կամ նախարարակալորման մասին հայտարարության տեքստերը Հայաստանի Հանրապետության ֆինանսների նախարարի սահմանած կարգով հրապարակում է տեղեկագրում: Ընդ որում հայտարարության և հրավերի տեքստերը, ինչպես նաև գնահատող հանձնաժողովի նիստերի արձանագրությունները, պայմանագիր կնքելու, կնքված

պայմանագրի և ընթացակարգը չկայացած հայտարարելու մասին հայտարարությունները հրապարակվում են նաև ռուսերեն լեզվով: Ռուսերեն լեզվով հրապարակված նյութերի տարաբնույթ (երկակի) մեկնաբանման հնարավորության դեպքում հիմք է ընդունվում հայերեն տեքստը>>:

Այս պահանջին չհամապատասխանող հրավեր հրապարակելու դեպքում փաստացի սահմանափակվում է համակարգում գրանցված այլ անձանց, օրինակ ոչ ռեզիդենտ կամ Ռուսաստանի Դաշնությունում գրանցված կազմակերպությունների մասնակցությունը ընթացակարգին:

Փաստացի պաշտպանության նախարարությունը միայն հրավերի հայտարարությունն է հրապարակել նաև ռուսերեն լեզվով, իսկ հրավերի տեքստը՝ ներառյալ տեխնիկական բնութագիրը, հավելվածները հրապարակված են միայն հայերեն լեզվով:

Հարկ ենք համարում նաև նշել, որ նույնաբովանդակ բազմաթիվ բողոքներ են քննվել ՀՀ գնումների հետ կապված բողոքներ քննող անձանց կողմից, ուստի կմեջբերենք ընդամենը երկու այդպիսի բողոքարկման ընթացակարգ՝ ԳԲԸԱ-ՆԳ-2020/13, ԳԲԸԱ-ԼՕ-2020/28, որոնք **երկուսն էլ բավարարվել են:**

**3. Բողոքի պահանջը**

1. Պարտավորեցնել <<ՀՀ ՊՆ-ԳՀԱՊՁԲ-22-9/30>> ծածկագրով գնանշման ընթացակարգի գնահատող հանձնաժողովին չկայացած հայտարարել <<ՀՀ ՊՆ-ԳՀԱՊՁԲ-22-9/30>> ծածկագրով գնանշման ընթացակարգը:

Կից ներկայացվում է

1. Բողոքի ներկայացման համար նախատեսված վճարման անդորրագրի պատճենը և անձը հաստատող փաստաթղթի պատճենը:

2. Պետոճեզիստրի վկայականը:

Հարգանքով՝

<<Մեղեքսպեյրո>> ՍՊԸ տնօրեն

07.04.2022թ.

